

ԱՂՎԵՆԻ ՍԱՀՄԱՆԱԴԻՐ ԺՈՂՈՎԻ ԿԱՆՈՆՆԵՐԸ ԵՎ ՆՐԱՆՑ
ԱՂԵՐՍԸ ԱՇՏԻՇԱՏԻ ԿԱՆՈՆՆԵՐԻ ՀԵՏ

Ս. Հ. ՀՈՎՀԱՆՆԻՍՅԱՆ

Աղվենի սահմանագիր ժողովի կանոնները հանդիսանում են վաղ ավատատիրական Աղվանքի և Հայաստանի ուշագրավ իրավաբանական հուշարձան: Այդ կանոնները մարմնավորում են Աղվանքի աշխարհիկ և հոգևոր գասերի հարաբերությունը՝ ժամանակի իրավաբանական ըմբռնումների պոստով: Աղվենի կանոնները բերվում են Մովսես Կաղանկատվացու «Աղվանից աշխարհի պատմության» մեջ և «Կանոնագիրք Հայոց»-ում:

Գիտության մեջ իշխում է այն կարծիքը, թե Աղվենի կանոններն ընդունվել են Վաչագան III-ի (Բարեպաշտի) թագավորության օրոք՝ V դարի վերջերին: Այսպես են կարծել Ք. Պատկանյանը, Մ. Բարխուդարյանը, Մ. Օրմանյանը, Հ. Աճառյանը, Կ. Տրեվերը¹: Նրանց կարծիքը հենվում է Կաղանկատվացու Պատմության առաջին հատորի ԻԳ գլխի վրա: Այստեղ պատմիչը սուրբ մասունքների որոնման առիթով մի քանի անգամ հիշատակում է Վաչագան Բարեպաշտին, մեկ անգամ էլ Աղվանքի հոգևոր առաջնորդ Շուփհաղիչուն, որպես Վաչագան III-ի ժամանակակցի և գործակցի. «Եւ առեալ թագաւորին ընդ ինքեանք ղաւագ եպիսկոպոսապետն Շուփհաղիչոյ ղընայր»²: Նույն հատորի ԻԶ գլխում Կաղանկատվացին բերում է Աղվենի ժողովի կանոնները, ուր կարգում ենք. «Եւ Վաչական՝ Աղուանից արքայ, և Շուփհաղիչոյ արքեպիսկոպոս Պարտաւայ...»³: Այսպիսի պայմաններում, բնականաբար, պիտի ենթադրվեր, որ «Եւ Վաչական՝ Աղուանից արքայ» ասելով, պիտի հասկանալ Վաչագան III-ին (Բարեպաշտին), որովհետև Աղվանքի պատմությանը հայտնի է «Շուփհաղիչոյ» անունով միայն մեկ հոգևոր առաջնորդ:

Այս կարծիքը կարելի էլինել վերջնական համարել և այդ ուղղությամբ հետագա պրպտումները՝ աուրկայադուրկ, եթե չլինել Կաղանկատվացու Պատմության 3-րդ հատորի ԻԳ գլխի: Այստեղ պատմիչը բերում է Աղվանքի հոգևոր հարբի հետեյալ անվանակարգը. «1. ս. Եղիշայ, 2. ս. Գրիգորիս, 3. ս. Շուփհաղիչու, 4. տ. Մատթէոս, 5. տ. Սահակ, 6. տ. Մովսէս, 7. տ. Պանգ, 8. տ. Ղազար, 9. տ. Գրիգոր, 10. տ. Զաքարիա, 11. տ. Դավիթ, 12. տ. Յովհան, 13. տ. Երեմիա, 14. տ. Արաւ (551 թ.)»⁴ և այլն:

Այս անվանակարգի համաձայն Շուփհաղիչուն հաջորգել է Գրիգոր Լուսավորչի թոռ Գրիգորիսին, որն, ինչպես հայտնի է, նահատակվել է 338 թ. Հասկանալի է, որ նույն Շուփհաղիչուն չէր կարող լինել 487—510 թթ. թագավորած Վաչագան III-ի ժամանակակիցը և միևնույն ժամանակ՝ Գրիգորիսի հաջորգը: Հակասությունն ակնաու է: Այդ բանը առաջին անգամ նկատել են Գոշը և Գանձակեցին: Վերջինս իր պատմության մեջ նշում է. «Եւ այց վասն անս այուորիկ յաուից կարգելոյ՝ Երկմտութիւն գոյ մեղ. ղի որ գրեաց զպատմութիւնն Աղուանից, զայս անունս կարգէ յաուրս

¹ Տե՛ս «История Агван Монсея Каганкатваци», перевод с армянского и предисловие К. Патканяна, СПб, 1861, էջ 11, 303, 310: Մ. Մոսրատյան, Պատմութիւն Հայաստանեայց առաքելական սուրբ եկեղեցւոյ, Յերուսաղեմ, 1872, էջ 254: Մակար Բարխուդարյան, Պատմութիւն Աղուանից, Ա հատոր, Վաղարշապատ, 1902, էջ 80: Մ. Օրմանյան, Աղգապատում, հատ. 1, Կ. Պոլիս, 1912, էջ 317: Հ. Աճառյան, Հայոց անձնանունների բառարան, հատ. Ե, Երևան, 1962, էջ 38: К. В. Тревер, Очерки по истории и культуре Кавказской Албании IV в. до н. э.—VII в. н. э., М.—Л., 1959, էջ 183, 293:

² «Մովսեսի Կաղանկատուացոյ Պատմութիւն Աղուանից աշխարհի», ի լոյս ընծայեաց Մկրտիչ էմին, Մոսկվա, 1860, էջ 61:

³ Նույն տեղում, էջ 66:

⁴ Կաղանկատվացի, էջ 274—275:

Վաչագանի Բարեպաշտի խալ. և այսմ լկայ լընքն, զոր եղ Վաչագան արքայ ամենայն հայկականոսօրն Աղուանից... 55:

Գոչը⁶ և Գանձակեցին⁷ Շուփհաղիչոյի անվան հետ կապված հակասությունը հարթում են հետևյալ կերպ. 1) Գրիգորիսին անվանակարգի 2-րդ տեղից տեղափոխում են 8-րդ թվակարգի տակ, համապատասխանաբար առաջ մղելով Շուփհաղիչոյ — Ղապար անունները, 2) անվանակարգից հանում են 9-րդ համարի տակ նշված Գրիգորի անունը, մերժելով նրա գոյությունը, 3) Գոչը տեղի Մովսեսի փոխարեն ընդունում է տեղի Կարենի հայրապետությունը:

Հետաքրքիր է նշել, որ Շուփհաղիչոյի անվան կապակցությամբ երկամտություն նկատվում է նաև Մխիթար Այրիվանեցու մոտ: Նա մի կողմից անվերապահորեն ընդունում է Աղվանքի հոգևոր առաջնորդների հաջորդության կաղանկատվացու անվանակարգը⁸, ուր Շուփհաղիչոն նշվում է իրեն հաջորդ Գրիգորիսի, իսկ նույն աշխատության 48-րդ էջում, ուր նա խոսում է պատմական դեմքերի ժամանակագրության մասին, կարդում ենք՝ «Սուրբ Շուփհաղիչոյ ամբ տեառն 500»:

Այս հակասությունը գրավել է նաև մի խումբ հայագետների ուշադրությունը՝ Մ. Բարխուդարյանի, Հ. Աճառյանի, Ն. Ակինյանի: Մ. Բարխուդարյանը, հենվելով Մխիթար Այրիվանեցու վերոհիշյալ հաղորդման վրա, Շուփհաղիչոյին համարում է Վաչագան Բարեպաշտի ժամանակակից⁹:

Հ. Աճառյանը փորձել է այդ հակասությունը հարթել՝ զանազանելով երկու Շուփհաղիչո. «1. Շուփհաղիչոյ արքեպիսկոպոս Աղուանից, եղավ կաթողիկոս Աղուանից՝ իրեն հաջորդ Գրիգորիս Ա կաթողիկոսի... 12. Շուփհաղիչոյ արքեպիսկոպոս Պարտավի, մասնակից Դվինի «506 թ. եկեղեցական ժողովին, որ գումարել էր Հայոց Բարկեն Ա կաթողիկոսը. անդամ Աղուենի ժողովի Վաչագան Գ-ի օրով (Ձ դար)»¹⁰: Հ. Աճառյանի կարծիքը շուրջ պատմական կովան և այսու դժվար է նրա հետ համաձայնել:

Աղվանի ժողովի հրավիրման ժամանակի մասին հետաքրքիր և ինքնատիպ ուսումնասիրություն ունի Ն. Ակինյանը¹¹, որին հանգամանորեն կանդաղառնանք փոքր ինչ հետո:

Շուփհաղիչոյի անվան վրա այսչափ ծանրանալը պատահական չէր: Եթե Շուփհաղիչոն իրապես չի եղել Վաչագան III-ի ժամանակակիցը, սույն, հասկանալի պատճառով, կասկածելի է դառնում Աղվանի ժողովի հրավիրումը Վաչագան III-ի օրոք: Այս փակուղուց դուրս գալու համար մնում է դիմել Աղվանքի թագավորների անվանակարգին և Աղվանի կանոնների պատմա-իրավական վերլուծության:

Կաղանկատվացու¹² և Գանձակեցու¹³ հաջորդումների համաձայն Աղվանքում հաջորդաբար թագավորել են. 1. Վաչագան քաջ (առաջին), 2. Վաչե (առաջին), 3. Ուռնայր, 4. Վաչագան (երկրորդ), 5. Մրհավան, 6. Սատո, 7. Ասա, 8. Ծավաղեն (Արսավաղեն), 9. Վաչե (երկրորդ), 10. Վաչագան Բարեպաշտ (երրորդ) և այլն: Մխիթար Այրիվանեցու անվանակարգը էապես տարբերվում է վերոհիշյալից: Նա գտնում է, որ Աղվանքում հաջորդաբար թագավորել են՝ Առան, Ուռնայր, Վաչագան, Վաչե, Հոչագան, Միրհավան, Սատո, Ասա, Ծավաղեն, Միհր, Արմայել և այլն¹⁴: Չնայած Այրիվանեցու անվանակարգի ակներև տարբերության, այնուհանդերձ այս պատմիչի անվանակարգի համաձայն էլ Ուռնայրին փոխարինում է Վաչագանը, իսկ Վաչեին՝ Հոչագանը:

Այսպիսով, Աղվանքում թագավորել են Վաչագան անունով երեք թագավորներ. I՝ Վաչագան քաջ (առաջին), Սա Աղվանի ժողովին մասնակցել չէր կարող, որովհետև, ամենայն հավանականությամբ, թագավորել է III դարի վերջին և IV դարի սկզբներին: II՝ Վաչագան (երկրորդ). սա

5 Կ ի Ր ա կ ո ս Գ ա ն ձ ա կ ե ց ի, Պատմութիւն Հայոց, աշխատասիր. Կ. Ա. Մելիք-Օհանջանյանի, Երևան, 1961, էջ 194:

6 Մ խ ի թ ա Ր Գ ո չ, Կաթողիկոսի և ղեպե Աղուանից աշխարհի ի մէջ ԺԲ դարու, Հայապատում, պատմիչք և պատմութիւնք Հայոց, Վենետիկ, 1901, էջ 384:

7 Կ ի Ր ա կ ո ս Գ ա ն ձ ա կ ե ց ի, էջ 194:

8 Մ խ ի թ ա Ր Ա յ Ր ի վ ա ն ե ց ի, Պատմութիւն Հայոց, ի լոյս ընծայեաց Մկրտիչ Էմին, Մոսկվա, 1860, էջ 19:

9 Մ ա կ ա Ր Բ ա Ր խ ու դ ա Ր յ ա ն, նշվ. աշխ., էջ 80:

10 Հ. Աճառյան, նշվ. աշխ., էջ 184:

11 Ն. Ա կ ի ն յ ա ն, Մովսես Դասխուրանցի (կոչված Կաղանկատվացի) և իր պատմությունն Աղվանից. «Հանդես ամսօրյա», 1953, № 1—3, 4—6, 7—9, 10—12:

12 Կ ա ղ ա ն կ ա տ վ ա ց ի, էջ 32—33:

13 Գ ա ն ձ ա կ ե ց ի, էջ 193:

14 Մ. Ա յ Ր ի վ ա ն ե ց ի, էջ 19:

փոխարինել է Ուոնայրին, Ուոնայրի թագավորության սկիզբի հայտնի չէ, Գանձակեցին ասում է. «Սա (Ուոնայրը — Ս. Հ.) եկեալ առ մեծ արքայն Հայոց Տրդատ, և առ սուրբն Գրիգորիոս, մկրտի ի նմանէ»¹⁵։ Այս արտահայտությունը ենթադրել է տալիս, որ Ուոնայրի թագավորության մոտավոր սկիզբը կարելի է համարել Տրդատի և Գրիգոր Լուսավորչի դործունեության ժամանակաշրջանը՝ 315—325 թթ.։ Ուոնայրը թագավորել է երկար ժամանակ։ Սրա օրոք մասքութենների մեջ քրիստոնեություն տարածելու կապակցությամբ նահատակվում է Լուսավորչի թոռ Գրիգորիոսը։ Հստ Կաղանկատվացու և Այրիվանեցու Գրիգորիսին հաջորդում է Շուփհաղիշուն։ Ուրեմն, Շուփհաղիշուն իր կաթողիկոսությունը սկսել է Ուոնայրի թագավորության շրջանում։ Ուոնայրը եղել է Աղվանքի նշանավոր թագավորներից մեկը։ Սրա և Շուփհաղիշոյի ջանքերով Աղվանքի ներքին կյանքում իրագործվեցին եկեղեցու շահերից բխող մի շարք միջոցառումներ։ Դա երևում է Վաչե 11-ին ուղղված 'Ելուտի թղթից. «Այսու երկնաւոր բարեօք լցեալ՝ եկն Ուոնայր արքայ Լմուտ յաշխարհն Աղուանից, ուսոյց և կատարեաց զնոսա առաքելական կանօնք. ընկալան ամենեքեան զդրոշմն երկնաւոր և զրեցան ի ժառանգութիւն երկնաւոր։ Հալածեցան ղեր աշխարհիդ, խափանեցան զոհք և ճենճերք, ամաշեաց մոլորութիւնն, բարձբացաւ ճշմարտութիւնն, թագաւորեաց լոյսն աներևոյթ մերժեցաւ կամաւոր խաւարն. կարգեցան երեխայրի՜ եկեղեցւոյ, տաւնորդեցան պտուղի կալոյ և հնձանաց, անդոց և խաշանաց և ամենայն ընտանի անասնոց. նա և ճող երկրին ի նոյն վիճակեցաւ և հաստատեալ կալաւ կարգ ուղղութեան առ նախնեօքն օնոով հանուփք և հարբն քոյով երանելեաւ մինչև ի ժամանակս քոյոյ սքանչելի տերութեանդ» (ընդգծումը մերն է — Ս. Հ.)¹⁶։ Այս բոլոր միջոցառումները իրականացվում էին Շուփհաղիշոյի նախաձեռնության և ակտիվության պայմաններում և հենց այդ ամենի համար նա դասվել է «սրբերի» կարգը։

Թագաբանական մակընթացության պատճառով մենք Ուոնայրին տեսնում ենք իբրև պարսից արքա Շապուհ Ի-ի դաշնակից։ Նա իր դորքով 371 թ. մասնակցում է Ձիրավի ճակատամարտին՝ ընդդեմ Հայոց Պապ թագավորի և կրում պարտություն։ Խորենացին¹⁷ և Կաղանկատվացին¹⁸ նշում են, որ Ուոնայրը ճակատամարտում խոցվում է Մուշեղ Մամիկոնյանից և նրան պատերազմից դուրս են հանում։ Ամենայն հավանականությամբ խոցված Ուոնայրին փոքր ժամանակ անց փոխարինում է Վաչագան երկրորդը։ Վաչագան երկրորդի թագավորության մոտավոր սկիզբը կարելի է ենթադրել 371—372 թթ.։ Որքան է տևել նրա թագավորության շրջանը, դժվար է որևէ բան ասել։ Միայն գիտենք, որ Վաչագան երկրորդին հաջորդել են Մրհավանը, Սատան, Ասան և Արսվաղենը (Եսվաղենը)։

Կաղանկատվացու Պատմության 11 հատորի «Գ» զլխում ասվում է. «Յորժամ ժամանակի Թէոփոս Փոքր Յունաց էր կայսր (408—450 թթ.— Ս. Հ.) և Վոամշապուհ Հայոց թագաւոր (387/8—413/14—Ս. Հ.), և Յագկերտ Պարսից արքայ (399—420—Ս. Հ.) և Արսվաղէն Աղուանից թագաւոր՝ եկեալ երանելին Մեսրոպ յԱղուանս... առ հայրապետն մեր Երեմիա և թագաւորն Արսվաղէն...»¹⁹։ Դա պետք է տևի ունեցած լինելը 408 թ. ոչ վաղ և 414 թ. ոչ ուշ. այսինքն՝ Թեոփոս թագաւորության սկզբից ոչ վաղ և Վոամշապուհի մահվանից ոչ ուշ։ Ուրեմն, եթե ենթադրենք Վաչագան 11-ի թագավորության սկիզբը 372 թ. ապա կստացվի, որ 43 տարիների ընթացքում (372? — 414 թթ.) Աղվանքում թագավորել են՝ Վաչագան 11-ը, Մրհավանը, Սատան, Ասան և Արսվաղենը (վերջինիս թագավորությունը շարունակվել է նաև 414 թ. հետո)։ Մեզ թվում է, որ 43 տարիների ընթացքում 5 թագավորներ ունենալը անհավանական չէ։

Պապ թագավորի մահից հետո, մոտավորապես նույն ժամանակահատվածում հայերը նույնպես ունեցել են 5 թագավորներ՝ Վարազդատ, Արշակ Գ, Վաղարշակ, Խոսրով Գ և Վոամշապուհ։

Ի տարբերություն մյուս երկու Վաչագանների, Վաչագան 11-ը չի կրել որևէ պատվանուն։ Նշված պատմիչները միայն հիշատակում են նրա անունը, առանց նշելու նրա վարքը։ Սակայն նույն պատմիչները այլ կերպ են գնահատել Վաչագան 11-ին։ Սա իր հայրենի Աղվանքում և Հայոց աշխարհում ճանաչված է եղել որպես բարեպաշտ։ Այդ պատվանունը Վաչագան 11-ին չենորհել է Աղվանքի եկեղեցին՝ ի հատուցումն նրա ջերմեռանդ աստվածասիրության և եկեղեցաշեն գործունեության։ Եթե այս Վաչագանի օրոք է հրավիրվել Աղվենի ժողովը և կանոններ կարգվել։

15 Գ ա ն ձ ա կ ե ց ի, էջ 193։

16 Կ ա ղ ա ն կ ա տ վ ա ց ի, էջ 16։

17 Մ ո վ ս ե ս Խ ո ռ ե ն ա ց ի, Հայոց Պատմություն, թարգմ. Ստ. Մալխասյանի, Երևան, 1961, էջ 305, 327։

18 Կ ա ղ ա ն կ ա տ վ ա ց ի, էջ 24։

19 Ն ու յ ն տ ե ղ ու մ, էջ 90։

ապա նրա ջերմեռանդ աստվածասիրությունն ու եկեղեցաշեն գործունեությունը անպայման պիտի գրսևորվեն Աղվենի կանոնների բովանդակության մեջ:

Ուսումնասիրությունից հանդում ենք այն եզրակացության, որ Աղվենի ժողովը չէր կարող հրավիրված լինել Վաչագան Բարեպաշտի օրոք:

Մենք արդեն նշեցինք, որ ըստ Աղվանքի հոգևոր հայրերի սնվանակարգի, Շուփհաղիշոն գլխավորել է Աղվանքի եկեղեցին IV դարում, ըստ Կաղանկատվացու և Այրիվանեցու՝ Գրիգորիսից հետո, ըստ Գոշի և Գանձակեցու՝ Գրիգորիսից առաջ: Մի կողմ թողնելով Գոշի և Գանձակեցու կարծիքների տարբերությունը, չորս աղբյուրներն էլ Շուփհաղիշոյին համարում են IV դարի գործիչ: Նա հոգևոր հայր է եղել Ուռնայրի և Վաչագան II-ի օրոք: Շուփհաղիշոն պատմիչի մոտ դառնում է Վաչագան III-ի ժամանակակից՝ պատմություն շարադրելու Կաղանկատվացու մեթոդի հետևանքով: Ք. Պատկանյանը և Մ. Արեղյանը նկատել են, որ պատմիչը նյութերը խմբավորում է ինչպես պատահում է, առանց մշակելու կամ քննադատելու, առանց ուշադրություն դարձնելու փաստերի ներքին կապի և ժամանակագրական հաջորդականության վրա²⁰:

Այլ առիթով մենք նշել ենք, որ Կաղանկատվացին իր Պատմության ԻԳ գլխի վերջում գրում է. «Եւ առեալ թագաւորին ընդ ինքեանք զաւագ եպիսկոպոսապետն Շուփհաղիշոյ զնայր»։ Սակայն բանն այն է, որ մինչև այդ Կաղանկատվացին նշխարների հայտնաբերմանը նվիրված բազում եկեղեցական հանդեսների մասին խոսելիս ոչ մի անգամ չի մտաբերում Շուփհաղիշոյին, նրան մասնակից չի դարձնում հանդիսավոր ծեսերի կատարմանը: Նվազագույն արժեքի անցքերը շանասիրարար նկարագրող պատմիչը չէր կարող անտարբերություն գրսևորել մասունքների որոնմանը մասնակցած, բազում հանդեսներ կազմակերպած հոգևոր հոր նկատմամբ: Պատմիչը առաջին հատորի՝ մասունքների որոնմանը նվիրված ԻԱ գլխում յուրահատուկ ձևով օգտագործում է Աղվենի ժողովին մասնակցած հոգևորականներից երեքի անունը: Այսպես, եթե Աղվենի որոշման մեջ նշված է՝ «Մանասէ Կապաղսյ եպիսկոպոս», ապա ԻԱ գլխում՝ «արքունի երէց Մանասէ»։ Մինչդեռ Աղվենի ժողովի կանոնների համաձայն արքունի երեցը եղել է «Թոմայ»։ Կամ, եթե Աղվենում արձանագրված է՝ «երէց Յովել», ապա ԻԱ գլխում՝ սարկավագ «Յովել»։ Անփոփոխ է մնացել միայն Մատթեի անունը և հոգևոր կոչումը: Աղվենում նշված է՝ «Մաթէ Դարահոնոյ երէց»²¹, իսկ ԻԱ գլխում՝ «Դարահոն (Դարահալու) երէց Մատթէ»։ Ուշագրավ է նաև այն հանգամանքը, որ Աղվենի ժողովի կանոնների մեջ մենք չենք գտնում երեցներ Նսթանի և Գետուկի անունները, որոնք նույնպես եղել են սուրբ մասունքների որոնման մասնակիցներ:

Ուսումնասիրողների տեսադաշտից վրիպել է մի այլ հանգամանք: Հոգևոր հայրերի անվանակարգից մեզ հայտնի է, որ Շուփհաղիշոյին հաջորդաբար փոխարինել են Մատթեն և ապա՝ Սահակը: Եթե սրանք եղել են իրական հոգևոր հայրեր, ապա նրանցից գոնե Մատթեն պիտի լինի Շուփհաղիշոյի ժամանակակից և Աղվենի ժողովի մասնակից: Եվ իրոք, նրանց անունները արձանագրված են Աղվենի ժողովի որոշման մեջ, Մատթեն՝ իբրև Պարտավի երեց, իսկ Սահակը՝ իբրև Ուտո քորեպիսկոպոս: Այս հանգամանքի հաստատումը կարևոր նշանակություն ունի այն կապակցությամբ, որ Շուփհաղիշո — Երեմիա ժամանակահատվածում (372—415 թթ.) 9 հոգևոր հայրերի գոյությունը (Մատթե, Սահակ, Մովսես, Պանդ, Ղազար, Զաքարիա, Դավիթ, Հովհան) համարվել է կասկածելի: Ուրեմն, Շուփհաղիշո—Մատթե—Սահակ հոգևոր հայրերի եռյակը ազատագրվում է կասկածելիների խմբից և, միևնույն ժամանակ, սեղմվում է մյուսների շրջանը:

Սակայն այդ փաստը մեզ համար կարևոր է մեկ այլ տեսակետից ևս, այն է՝ Շուփհաղիշոն ե վերոհիշյալ արքեպիսկոպոսները IV դարի անձեր են: Այդ եռյակից որևէ մեկին չղթայից անջատելը դառնում է անհնարին:

Մյուս վեց կաթողիկոսների գոյությունը պատմական կարճ ժամանակահատվածում, մեզ թվում է, կարելի է բացատրել արաբներ և ներքին պատճառներով՝ Շուփհաղիշո — Երեմիա ժամանակահատվածում հոգևոր դասի անկայուն կացությամբ: Իբրև արտաքին հանգամանք՝ Պարսից պետության և մոգության տեական ճնշմամբ, իսկ իբրև ներքին՝ ազատների և հոգևորականների շահերի խոր հակամարտությամբ: Այդպիսի հակամարտության գոյության մասին վկայում է Աղվենի ժողովի որոշումը, ուր ասված է. «Յամս Վաչականայ՝ Աղուանից արքայի, բազում հակառակութիւն լինէր ի մեջ աշխարհականաց և եպիսկոպոսաց, քորեպիսկոպոսաց և քահանայից, ազատաց և ոսմկաց»²², Ուսումնասիրությունը ցույց է տալիս, որ Վաչագան III-ի օրոք բազում հակառա-

²⁰ «История Агван...», էջ 12—13, Ս. Արեղյան, Հայոց հին գրականության պատմություն, գ. I, Երևան, 1944, էջ 457:

²¹ Կաղանկատվացի, էջ 50, 51, 65:

²² Նույն տեղում, էջ 65:

կույթունը» նրանց միջև բացատրում է: Վաչագան Բարեպաշտը հանդես էր գալիս իրեն հոգևոր դասի գաղափարների և շահերի ջերմեռանդ պաշտպան: Մինչև Աղվենի ժողովի մասին խոսելը, կաղանկատվացին, մեկ այլ առիթով, նկատում է, որ «բոլոր իսկ ուխտ եկեղեցւոյ մեծարեալ և յարգեալ էին յամս թագաւորութեան բարեպաշտ արքային Վաչականայ»²³, Այս երկու անհամատեղելի մտքերը լրացուցիչ անգամ կարող են հաստատել այն փաստը, որ նրանք արտահայտում են տարրեր Վաչագանների պատմական դարաշրջանը և իրական հարաբերությունները: Միայն «բազում հակառակության» պայմաններում կարող էին հաճախակի փոփոխված լինել Աղվանքի հոգևոր հայրերը, ինչպես աշխարհիկ իշխանության ճնշման, այնպես էլ հոգևոր դասի կամահայտնության պատճառով:

Խերևա այդ վեց կաթողիկոսների ժամանակագրությունը մեղ է հասել խախտված ձևով:

Մենք չբավարարվեցինք միայն Շուփհաղիշոյի անձնավորությունը որոշելու խնդրով: Փորձեցինք գտնել Աղվենի ժողովին մասնակցած և կանոններն իրենց մատանիով հաստատած 14 մեծատոհմիկ աշխարհականներից զոնե մեկի անվան հետքը կաղանկատվացու և մյուս պատմիչների մոտ: Եա կարևոր է, քանզի լրացուցիչ կովան կարող է հանդիսանալ մեր կարծիքը հաստատելու համար: Կաղանկատվացին իր Պատմության մյուս գլուխներում նրանցից ոչ մեկի անունը չի հիշատակում: Սակայն, բարեբախտաբար, Կորյունի և Խորենացու մոտ մենք գտնում ենք նրանցից մեկի՝ Գարգմանի իշխան Խուրսի անունը (տե՛ս Կորյուն, էջ 117: Խորենացի, էջ 337), Ըստ Կորյունի, Մաշտոցն Աղվանքում զրազիտություն տարածելուց հետո ուղևորվում է Գարգման: Այստեղ նրան ջերմորեն ընդունում է իշխան Խուրսը: Ամենայն հավանականությամբ, դա պետք է տեղի ունեցած լինի 415—420 թթ.: Ըստ Խորենացու Մաշտոցն այնտեղ է մեկնում «հեթանոսական աղանդից մնացած դառն արմատը» արմատախիլ անելու համար (հիշենք Աղվենի ժողովի հրավիրման պատճառը՝ «բազում հակառակությունները»): Մեղ թվում է անհավանական չէ այն ենթադրությունը, որ Աղվենի կանոնների վերջաբանում և Կորյունի ու Խորենացու մոտ նշված Խուրսը Աղվենի ժողովին մասնակցած միևնույն Խուրսն է: Ինչպես կտեսնենք հետագայում, Աղվենի ժողովը տեղի է ունեցել 372—375 թթ.: Այս երկու դեպքերի միջև անցել է 40—45 տարի: Մի դեպքում՝ Աղվենում մենք գործ ունենք Գարգմանի երիտասարդ իշխան Խուրսի, իսկ երկրորդ դեպքում՝ իր դարն ապրած նույն Գարգմանատեր Խուրսի հետ: Այս առնչությամբ, կարծում ենք, արդարացված կլինի. եթե Կաղանկատվացու Պատմության մեջ կատարվի մի այսպիսի կետադրական ուղղում: Կաղանկատվացու Պատմության Շահնաղարյանի և էմինի հրատարակությունների մեջ նշված է՝ «Վարդան քաջ Գարգմանատէր, Խուրս...»: Մեր կարծիքով պետք է լինի՝ «Վարդան քաջ, Գարգմանատէր Խուրս...»:

Այնուհետև. իր պատմության առաջին հատորի ԺԶ գլխում պատմիչը նշում է՝ «Եւ ազգի ազգի աղանդք շարախոհն սատանայի յոլովեալ թշուառացուցանէին ղհիքացեալ մարդիկ աշխարհին Աղուանից»²⁴, Այս վիճակը երկրում ստեղծվում է կրոնամուկ պարսից Պերոզի (457—484 թթ.) տիրակալության և երկրի անիշխանության շրջանում: Կասկածից վեր է, որ այդ տարիներին մոլորեցիկ և նեատորական աղանդները լրջորեն անհանգստացնում էին նաև Աղվանքի ուղղափառ եկեղեցուն: Սակայն Աղվենում հավաքված հոգևոր առաջնորդները և բարեպաշտ Վաչագանը «մուռացել են» կանոնական նորմեր ընդունել եկեղեցու ռիսկի միջամու դեմ: Այս անտրամաբանական վարքագիծը դարձյալ անհամատեղելի է Աղվենի ժողովի հետ, եթե ընդունենք, որ Աղվենի ժողովը տեղի է ունեցել Վաչագան 111-ի ժամանակ:

Սակայն սրանով չեն վերջանում հակասությունները: Մեր կասկածներն ավելի են խորացնում երկու այլ հանգամանքներ: Այսպես, Կաղանկատվացին գրում է. «Պատուհաս մեծ և տուգանս ի վերայ կարգէր՝ որ ոք բաղին արասցէ և դիւթ հնարեսցէ և կամ դինչևիցէ դիւցազգեաց պաշտօն տարցէ և ղկարգս քրիստոնէութեան ամբողջ և հաստատուն ոչ պահեսցէ, Զկախարդս և զգիթս և զքուրմս յետ միանգամ և հրկիցս խրատելոյ, եթէ հարձեալ ի նմին շարութեան գտանէին ի գործ չարաչար կապանօք և զանիւք ի դուռն արքունի հաւուցեալ մեծագոյն պատուհասի պատժէր զոմանս խեղդելով, զոմանս շկօթակս առնելով և զոմանս ի ստրկութիւն արկանելով...»²⁵, Սրանք երկրում իրականացվել են Վաչագան Բարեպաշտի օրոք: Սակայն բովանդակությամբ և ներգործության միջոցներով կանոնական բնույթ կրող այս միջոցառումները դարձյալ չեն արտահայտվել Աղվենի ժողովի որոշումների մեջ: Դեռ ավելին, նույն ժամանակաշրջանում Աղվանքում տարածված է եղել նաև մատնահատության ահավոր աղանդը, որը Բարեպաշտի անողոր ջանքերով

23 Նույն տեղում, էջ 38:

24 Նույն տեղում, էջ 33—34:

25 Նույն տեղում, էջ 38:

վերացվում է²⁶, եվ զարձայլ Աղվենի ժողովի կանոններում մենք չենք դտնում դարաշրջանը հուղող այս հարցերի իրավական կարգավորումը:

Ցուրաքանչյուր օրենք կամ կանոնախումբ իր դարաշրջանի ծնունդն է: Նրանք արտահայտում են տիրապետող աշխարհիկ և հոգևոր դասերի նյութական և հոգևոր շահերը, ուժերի փոխհարաբերությունը, նրանց կամքը, նրանք իրենց վրա կրում են դարաշրջանի իրավագիտակցության կնիքը: Բայց ինչու Աղվենի կանոնների վրա չի պրոյմած Վաչագան III-ի դարաշրջանի կնիքը: Պատճառն այն է, որ Աղվենի սահմանագիր ժողովը տեղի է ունեցել ոչ թե Վաչագան III-ի, այլ Վաչագան II-ի գահակալության օրոք: Դա պատմական մի այնպիսի ժամանակաշրջան էր, երբ Աղվանքի նախարարներին, իրենց թագավորի գլխավորությամբ, հուղում էին այլ խնդիրներ, այլ շահեր, որոնք իրենց էությամբ հակադիր էին անգամ հոգևորականության շահերին: Աշխարհիկ և հոգևոր տերերի շահերի հակադրությունը երկրում այնքան սուր քնույթ էր կրում, որ կողմերի փոխադարձ համաձայնությամբ հրավիրվում է Աղվենի ժողովը, ծագած քաղում հակառակությունները հարթելու համար: Աղվենի կանոնները ցույց են տալիս, թե որոնք են այդ հուղող հարցերը և շահերը:

Ամփոփենք, կաղանկատվացին յուր Պատմությունը մագաղաթին հանձնելիս շփոթել է Վաչագան II-ի և Շոափնդիոյի գործունեության ժամանակաշրջանները: Վաչագան II-ի գործունեությունը վերագրվել է Վաչագան III-ին:

Աղվենի ժողովի հրավիրման ժամանակը մոտավոր ճշտությամբ որոշելու համար կարևոր նշանակություն ունեն կաղանկատվացու Պատմության մեջ նշվող երկու հանգամանքներ: Ըստ պատմիչի ժողովը տեղի է ունեցել «յամսնանն Մարերի» որ օր երեքտասան էր ամսոյնս, «ի հովոցի տեղուդս»²⁷, այսինքն մի ժամանակ, երբ թագավորական ընտանիքը գտնվում էր ամառանոցում: Ն. Ակինյանը, հենվելով այս տվյալների վրա, առաջին անգամ հաշվումներով ցույց տվեց, որ 336—459 թթ. մարերի ամիսը համապատասխանում էր հուլյան տոմարի մայիսի 1—31-ին, իսկ 460—579 թթ.՝ ապրիլի 1—30-ին: Ն. Ակինյանը եղրակացնում է, որ Աղվենի ժողովը տեղի է ունեցել 415—459 թթ., իսկ :ավելի կոնկրետ՝ Շահապիպանի ժողովի գումարումից ոչ շատ ուշ, որովհետև Աղվենի ժողովի կանոնները սերտ աղերսի մեջ են Շահապիպանի ժողովին կանոններու հետս:Ս, Տոմարական հաշվումներ կատարեցինք մենք ևս²⁹,

Ահա այդ հաշվումների պատկերը ըստ հայոց շարժական տոմարացույցի.

ա) նավասարդի 1-ից — մարերի 13=է՝

$$9 \times 30 + 12 \text{ (մարերի } 1-13\text{-ը)} = 282 \text{ օր.}$$

Թագավորական ընտանիքը ամառանոցում կարող էր գտնվել դիցուք մայիսի 1-ից սեպտեմբերի 30-ը: Եթե ընդունենք, որ ժողովը տեղի է ունեցել ամռան առաջին օրը՝ հունիսի 1-ին, ապա նս զնալով 282 օր, ստանում ենք օգոստոսի 22-ը, այսինքն՝ հուլյան տոմարով մարերի 13-ը ընկնում է օգոստոսի 22-ին:

բ) Ըստ տոմարացույցի նավասարդի 1-ը օգոստոսի 22-ին է համապատասխանում 1844—1847 թթ.: Մեզ հայտնի է, որ ամիսների նույն համապատասխանությունը կրկնվում է 1460 տարվա պարբերությամբ: Հետևաբար, նույն բանը կունենանք՝ 384-ից (1844—1460=384) մինչև 387 թթ. (1847—1460=387), Հասկանալի է, որ 1460-ի երկու պարբերություն վերցնելը անիմաստ է, քանզի Վաչագան II-ը սկսել է թափավորել Ուտնայրից հետո, մոտ 372 թ.:

Եթե ենթադրենք, որ ժողովը տեղի է ունեցել հուլյան տոմարի հունիսի 4-ին, ապա նույն հաշվումներով ստանում ենք 372—375 թթ.: Մարերի 13-ը հունիսի 15-ին կլինի 328—331 թթ., իսկ օգոստոսի 31-ին՝ 20—23 թթ.: Հունիսի 4-ից հետո Աղվենի ժողովի հրավիրումը գործնականորեն բացառվում է, որովհետև հեռանում ենք Վաչագան II-ի գահակալության մոտավոր սկզբից՝ 372 թ.: Այսպիսով, մարերի 13-ը հունիսի 1—4-ին համապատասխանում է 372—387 թթ., Այդ թվականների հունիսի 1—4-ը, ամենայն հավանականությամբ, կարելի է դիտել Աղվենի ժողովի հրավիրման իրական ժամանակահատված: Մենք 387-ից բարձր տարեթիվ չենք վերցնում, նկատի ունենալով, որ Վաչագան II— իսվաղեն հատվածում թագավորել են նաև Մրհավան, Սասու և Ասա:

²⁶ Նույն տեղում, էջ 39:

²⁷ Նույն տեղում, էջ 65—66:

²⁸ Ն. Ակինյան, նշվ. աշխ., էջ 560—561:

²⁹ Շնորհակալություն ենք հայտնում դոցենտ Բ. Թումանյանին ամառագիտական սզնության համար:

նույն հաշվումներով մարերի 13-ը կհամապատասխանի հուլյան տոմարի մայիսի 15-ին՝ 452—455 թթ., իսկ մայիսի 1-ին՝ 508—511 թթ.:

Ինչև մայիսի 1—5-ը Աղվենի ժողովի հրավիրումը համապատասխանում է վաչագան 111-ի թագավորության շրջանին, բայց նշված և ստորև բերվող փաստարկներով մենք բացառում ենք Բարեպաշտի օրոք ժողովի հրավիրումը: Ապրիլ ամսին մարերի 13-ը համապատասխանում է VI—VII դարերին, այսինքն անշափ հեռանում ենք անգամ վաչագան 111-ի թագավորության շրջանից:

Աղվենի ժողովի հրավիրման ժամանակահատվածը Ն. Ակինյանի մոտ ստացվել է 336—459 թթ. այն պատճառով, որ նա վերցրել է մարերի ողջ ամիսը և ոչ թե մարերի 13-ը: Բացի այդ, նրա հաշվումներում նկատվում է մի փոքր անճշտություն: Ստացած արդյունքը Ն. Ակինյանին մղել է դեպի Շահապիվանի ժողովը: Շահապիվանի և Աղվենի կանոնների միջև տեսնելով որոշ նմանություն, նա եզրակացրել է՝

- 1) Աղվենի ժողովը հրավիրվել է Շահապիվանի ժողովից փոքր ինչ հետո,
- 2) Սովադեն թագավորին հաջորդել է նոր թագավոր՝ վաչագան անունով³⁰:

Քանի որ Ն. Ակինյանի հետևությունները սկզբունքային նշանակություն ունեն հայագիտության համար, դիմենք Շահապիվանի և Աղվենի ժողովների կանոնների համեմատական ուսումնասիրության (տեղի սղության պատճառով բերում ենք համեմատական աղյուսակից բխող հետևությունները):

Շահապիվանի և Աղվենի կանոնները մերձենում են՝

1. Կանոնների թվով, Շահապիվանում՝ 20, Աղվենում՝ 21, 2. մասամբ՝ կարգավորման առարկայով, 3. մասամբ՝ իրավախախտումների դեմ ներգործության միջոցով:

Երկու ժողովներն էլ արգելում են մերձամուսնությունը (Շահապիվանը՝ մինչև 4-րդ ծնունդը, Աղվենը՝ 3-րդ ծնունդը ներառյալ), եղբոր կնոջ հետ ամուսնանալը, տղամարդու քմահաճ կամքով ամուսնալուծությունը, նշխարներ տեղադրելը, մեռելների վրա կոծ դնելը: Սակայն կարգավորման առարկայի տեսանկյունից մի քանի դեպքերի նմանությունները մեզ իրավունք չեն տալիս պնդելու, որ Աղվենի իմքում գրվել է Շահապիվանը: Բանն այն է, որ մոտավորապես մեկ դար առաջ նույն հարցերը կարգավորել է նաև Աշտիշատի ժողովը: Այդ նշանակում է, որ Աշտիշատի որոշումները կանոնական պատվանդան են եղել Շահապիվանի համար:

Շահապիվանի ժողովի բոլոր կանոնները սահմանում են ներկործության միջոցներ (առանձին կանոններ նույնիսկ մի քանիսը), իսկ Աղվենի 21 կանոններից՝ միայն 9-ը, Շահապիվանի կանոնները աչքի են ընկնում խիստ պատժատեսակներով, իսկ Աղվենի կանոնները՝ ոչ: Շահապիվանը պատժատեսակներ է սահմանում ազատների համար, իսկ Աղվենը՝ ոչ: Պատիժներ սահմանելիս Շահապիվանը տարբերություն է դնում ազատի և շինականի միջև, իսկ Աղվենը՝ ոչ: Շահապիվանը սահմանում է շատ այնպիսի պատիժներ, որոնք հայտնի չեն Աղվենին:

Նրանց տարբերությունը առավել չափով դրսևորվում է կարգավորման առարկայի տեսակետից: Ի տարբերություն Աղվենի՝ Շահապիվանը կարգավորում է. 1) ամուսնական անհավատարմություն, շնացողություն, 2) երկյակի և կուսանի պսակի օրհնություն, 3) ամուսնալուծությունը կնոջ ամուսնական պատճառով, 4) կնոջ հեռանալը ամուսնուց, 5) առևանգմամբ ամուսնության հարցերը: Եթե Աղվենը (կան. ԺԱ) արգելում է առանց պսակի կին առնելը, ապա Շահապիվանը այդ հարաբերությունը չի նորմավորում:

Հոգևոր հարաբերությունների կարգավորմանը Շահապիվանը նվիրում է 6 կանոններ (Ա, Բ, ԺԵ, ԺԶ, ԺԷ, ԺԸ), իսկ Աղվենը՝ 17: Ընդ որում, նրանք միայն մի դեպքում են մերձենում, այն էլ մասնակիորեն, նշխարներն օգտագործելու կապակցությամբ: Եթե այս ամենին ավելացնենք նաև այն, որ Շահապիվանը 3 կանոններ է ընդունել աշանդավորական (մծղեհից) շարժման դեմ, իսկ Աղվենը՝ ոչ մեկը, հեթանոսական հարաբերությունների մասին՝ 4 կանոններ, իսկ Աղվենը՝ միայն մեկը, մեր պատկերացումը կդառնա ավելի կատարյալ:

Շարժառիթների այսպիսի արմատական և սկզբունքային տարբերության պայմաններում անկարելի է պնդել, թե Շահապիվանի կանոնները Աղվենի համար եղել են սկզբնաղբյուր: Իրականում Շահապիվանի և Աղվենի համար կանոնական պատվանդան է հանդիսացել Աշտիշատը: Նրանց միջև որոշ նմանությունը պայմանավորված է նաև երկու երկրներում նույնատիպ հասարակական երևույթների գոյությամբ:

Մեզ մնում է համեմատել Աշտիշատի որոշումները Աղվենի կանոնների հետ և ամփոփել:

30 Ն. Ա կ ի ն յ ա ն, նշվ. աշխ., էջ 562:

Ցավոք, մեզ չեն հասել Աշտիշատի ժողովի կանոնները, մենք չգիտենք՝ քանիսն են եղել դրանք, ներգործության ինչպիսի միջոցներ են սահմանել: Աշտիշատի ժողովի կանոնների մասին տեղեկություններ պահպանված են միայն Բուզանդի պատմության մեջ: Թեև Աշտիշատում ընդունված կանոնների բովանդակության մասին Բուզանդի հաղորդած տեղեկությունները կցկտուր են, հաճախ՝ մեկ բառով արտահայտված և այդ բուռահատիկները ցրված են Արշակի և Պապի խազավորության ժամանակահատվածում, սակայն հավաքելով և ի մի բերելով դրանք, մենք զարմանքով և խորր ափսոսանքով նկատում ենք, թե որքան բազմազան և բազմաբովանդակ են եղել Աշտիշատի ժողովի կանոնները և ժողովից դուրս ներսեսի կողմից սահմանված կարգերը:

Վաչագան II-ի թագավորության սկիզբը համընկելում է Պապի գահակալության վերջին տարիներին: Այդ շրջանում Հայաստանի ներքին կյանքը ալեկոծվում էր հակաաշտիշատյան, հականերսիսյան միջոցառումներից: Պապ թագավորը Հապես սահմանափակում է եկեղեցու իրավասությունը աշխարհիկ հարաբերությունների կարգավորման ասպարեզում: Նրա միջոցառումները լայն արձագանք են գտնում Աղվանքի ազատանու, Վաչագան II-ի և աշխարհականների մոտ, արժանանում նրանց ջերմ համակրանքին: Եվ դա հասկանալի է:

Ուռնայրի թագավորության և Շուփհադիշոյի հայրապետության շրջանում Աղվանքի ներքին կյանքում, Հայաստանի օրինակով, իրականացվեցին եկեղեցու շահերից բխող մի շարք միջոցառումներ:

Աղվանքի իշխանավորները, հետևելով հայոց թագավորի և ազատանու օրինակին, սկսել էին ոտնահարել և սահմանափակել հոգևոր դասի իրավունքները, տեղիք տալով «բազում հակառակությունների աշխարհականների և հոգևորականների միջև»: Այսպես, Աղվանքի կանոններից երեւում է, որ ազատներն իրենց դաստակերտներից վտարում էին երեցներին, նոր երեցներ կարգում, եկեղեցիներում սեղան կանգնեցնում, նշխարներ տեղադրում, պատարագ կազմակերպում՝ առանց եպիսկոպոսի հետ համաձայնեցնելու (կան. Ի, ԻԱ). կիրակի օրը իրենց ծառաների հետ եկեղեցի չէին դնում (կան. ԺԲ). հանգուցյալի հողերածինը չէին հանձնում եկեղեցուն (կան. Դ.). հանգուցյալի չիշատակին նվիրված պատարագ չէին կատարում (կան. Ե). թույլ էին տալիս եղբոր կնոջ հետ ամուսնանալ և ասհասարակ՝ մերձամուսնությունը, կոծը (կան. Ժ, ԺԲ). տղամարդիկ կամայաբար արձակում էին իրենց կանանց և առանց պսակի կին առնում (կան. ԺԱ) և այլն:

Աղվանքի ժողովը կարգավորեց նաև պտղի և տասանորդ կոշվող հարկերը (կան. Դ, ԺԸ). Բայց ինչու, մի՞թե Ուռնայրի օրոք նրանք չէին կարգավորված եկեղեցու շահերի ըստ ամենայնի հաշվառմամբ: Հակառակությունների հիմնական պատճառն այն է, որ աշխարհականները բացահայտ դժգոհություն էին դրսևորում եկեղեցու՝ ուռնայրյան արտոնյալ իրավունքների դեմ, հատկապես՝ աշխարհականներից զանձվող պտղի և տասանորդ հարկերի կապակցությամբ: Աղվանքի ժողովի՝ հարկերի վերաբերյալ կանոնները ընդունվել են ոչ թե հարկերը խստացնելու (այլապես անհասկանալի կլինեին հոգևորականների դժգոհությունը), այլ հնարավորին չափով մկրատելու համար:

Աղվանքի ժողովի գումարման մյուս հիմնական պատճառն այն է, որ հոգևորականները ցանկանում էին կանոնական նորմերի միջոցով հնարավորին չափով հարթել և ցրել արհամարհանքի և անտարբերության այն մթնոլորտը, որ ստեղծվել էր իրենց դասի նկատմամբ: Այդ նպատակով աշխարհականների համար սահմանվեցին մի շարք հոգևոր բնույթի պարտավորիչ կանոններ, ինչպես և կանոններ, որոնք ուղղված էին հոգևորականի դատապարտելի վարքի դեմ:

Հաշվի առնելով Աղվանքի ժողովի գումարման պատմական իրավիճակը, մենք այստեղ չենք տեսնում աղքատանոցների, ուրկանոցների, կուսանոցների, որբանոցների, հյուրանոցների կազմակերպման և այդ հիմնարկների պահպանման համար անհրաժեշտ հարկերի զանձման վերաբերյալ Աշտիշատին հատուկ ծայրահեղությունների հետքերը: Չնայած այդ բանին, Աղվանքի որոշումների հիմքում դրված է Աշտիշատի կանոնական որոշումների ոգին, նրանից հեռացնելով այն ամենը, ինչ չի համապատասխանում ժամանակի պահանջներին և դասային ուժերի նոր հարաբերության: Այդ բանում համոզվելու համար բերենք Աշտիշատի կանոնների ու ներսեսի միջոցառումների և Աղվանքի ժողովի կանոնների համեմատական աղյուսակը՝ ըստ կարգավորման առարկայի:

Աշտիշատի կանոններ և ներսեսի միջոցառումներ.

ա) Ամուսնական նախաբերություններ՝ 1.^o «Հեռու մնան աղկակցական մերձավոր ամուսնությունից, մանավանդ՝ 2.^o հարսների հետ մերձավոր ամուսնությունից և սրանց նմաններից»³¹, 3.^o

31 Քաղվածքները բերվում են Բուզանդի Հայոց Պատմությունից Մալխասյանցի թարգմանությամբ, Երևան, 1947, էջ 145: Աստղանիշով նշված են նույն կամ մերձեցած կանոնները:

«ներսնս... ահից ոչ ոք չէր համարձակում... մէկի կինը խլել և թողնել իր կին ամուսինը... նրա մահից հետո ամեն մարդ թաղավորից հրաման ստացավ՝ համարձակորեն թողնել իր ամուսին կանանց» (էջ 268—269), 4.՝ «կար մարդ, որ տաս կին էր փոխում» (էջ 269) կամ հիշենք՝ Արշակի ամուսնությունը Փառանձմի հետ, նման ամուսնություններ կարող էին կատարվել առանց պսակի և օրհնության:

Աղվենի կանոններ.

ա) Ամուսնական հարաբերություններ՝ 1.՝ արգելվում է մերձամուսնությունը (կ. Ժ.), 2.՝ եղրոր կնոջ հետ ամուսնանալը (կ. Ժ.), 3.՝ առանց պատճառի կնոջից ամուսնալուծվելը (կ. ԺԱ), 4.՝ առանց պսակի և օրհնության կին առնելը (կ. ԺԱ):

բ) Հոգևոր հարաբերություններ (Աշտիշատ, Ներսես)՝ 1.՝ «...ամենքի վրա տարածում էին առաքյալներից սահմանված կանոնները» (էջ 141), «բարեկարգեց եկեղեցական պաշտամունքը, եպիսկոպոսների, երեցների և սարկավազների (կյանքը)» (էջ 236), 2. եկեղեցուն հոգեբարձին հանձնելու մասին Բուդանդր տեղեկություն չի հաղորդում, 3. Աղվենի «Ե» կանոնի մասին Բուդանդր տեղեկություն չի հաղորդում, 4.՝ «(նա դատապարտում էր)... ցանկական կրքերը... պոռնկությունը» (էջ 145), 5.՝ Պապ թագավորը «հողերի հաշվով սմեն գյուղում երկ-երկու պաշտոնյա էր թողնում, մի երեց և մի սարկավազ» (էջ 270), 6.՝ «մեռած անասուն և արյուն չուտել» (էջ 145), 7.՝ «(նա դատապարտում էր)... նենգությունը... բամբասանքը» (էջ 145), 8.՝ «(նա դատապարտում էր)... քսությունը... ուրիշին նախանձելը... ստախոսությունը, թշնամությունը» (էջ 145), 9.՝ «Պողիի և տասանորդների կարգն էլ, որ վաղուց ի վեր սովորություն էր դարձած եկեղեցուն տալ... հրաման հանեց (Պապը — Ս. Հ.), որ ոչ ոք չտա» (էջ 268), 10.՝ «Հայր եպիսկոպոսների պատիվը... նրա մահից հետո (Ներսես — Ս. Հ.) ապականվեց ու փշացավ» (էջ 269) «ամեն մարդ համարձակ գործում էր՝ ինչ որ կամենում էր» (էջ 270), 11.՝ «Խաղ եպիսկոպոսին Արշակը և ուրիշները ստիպում էին, «թե եկ Արշակավան ավանի եկեղեցում սեղան կանգնեցրու» (էջ 169):

բ) Հոգևոր հարաբերություններ (Աղվենի կանոններ)՝ 1.՝ Եպիսկոպոսների և երեցների հարաբերությունների մասին (կ. Ա.), քահանաներ և սարկավազներ ձեռնադրելու մասին (կ. Բ.), 2. եկեղեցուն հոգեբարձին հանձնելու մասին (կ. Դ.), 3. հանգուցյալի հիշատակին նվիրված պատարագ (նվիրատվությամբ) կատարելու մասին (կ. Ե.), 4.՝ դատապարտվում է վանացերեցի և վանականի զայթակղությունը (կ. Զ.), 5.՝ կարգավորվում է շենքերում հոգևորականների թիվը, մեծ շենքում՝ մեկ երեց, երկու մոտ ազարակենեռում՝ մեկ երեց (կ. Է, Թ), 6.՝ արգելվում է մեռած անասնի միս ուտելը (կ. ԺԳ), 7.՝ արգելվում է հոգևորականին բամբասելը (կ. ԺԵ), 8.՝ արգելվում է հոգևոր սաների, քահանաների, երեցների քինախնդրությունը, փոխադարձ կեղծ մեղադրանքները, ստախոսությունը (կ. ԺԶ), 9.՝ կարգավորվում են եկեղեցուն հանձնելիք պողի, տասանորդի և հաս հարկերը (կ. Ժ, ԺԷ, ԺԸ), 10.՝ աղատներին արգելվում է երեցին դաստակերտից հեռացնելը և նոր երեց կարգելը (կ. Ի), 11.՝ արգելվում է աղատների նախաձեռնությամբ եկեղեցում սեղան կանգնեցնելը, նշխարներ տեղադրելը, պատարագը առանց եպիսկոպոսի թույլտվության (կ. ԻԱ):

գ) Աղանդամորական.

• երկու աղբյուրներում էլ չկան համապատասխան կանոններ:

դ) Հեթանոսական.

• «Պետք չէ մեռածի վրա անհուսությամբ լաց ու կոծ անել, անշափ ու անկարգ սուգ անել (Բուդանդ... էջ 145),

• արգելվում է մեռելների վրա կոծ դնելը (Աղվեն, կ. ԺԲ):

ե) Ընդհանուր (աշխարհական).

• Բուդանդ՝ «(նա դատապարտում էր)... թշնամաց վրեժխնդրությունը... թշնամությունը... արյունահեղ սպանությունը...» (էջ 145),

• Աղվեն՝ արգելվում է կոիվը և արյունահեղությունը (կ. Ը), անօրենությունը և մարդասպանությունը (կ. ԺԱ):

Համեմատական աղյուսակը պարզորոշ կերպով ցույց է տալիս, որ Աղվենի ժողովի կանոնների բացարձակ մեծամասնությունը կարգավորում է նույն հարաբերությունները, հաճախ նույն ձևով, ինչպես որ Արշակ-Ներսես-Պապ եռյակի գործունեության շրջանում:

Հատկանշական է, որ բերված 18 դեպքերից 16-ում արձանագրվում է կանոնական նորմերի (միջոցառումների) մերձեցում, Այդ մերձեցումները ձևական ընդունվել են կրում և պատահական չեն: Նրանք ընդհանրապես են աշխարհիկ և հոգևոր հարաբերությունների միատեսակ ընկալմամբ

և իրավական վերարտադրության հարազատության, որը պայմանավորված է երկու երկրներում համանման հասարակական հարաբերությունների գոյությամբ և դարաշրջանի մերձավորությամբ: Դա Պապի զահակալության վերջին և Վաչագան II-ի թագավորության առաջին տարիներն են: Նրանց օրոք իրավական կարգավորման ենթարկվեցին հասարակությանն առավելապես հուզող հարցերը: Երկու երկրներում էլ ամբողջ սրությամբ դրվեցին և նոր ձևով կարգավորվեցին եկեղեցու օգտին զանձվող հարկերը: Նպատակը նույնն էր՝ հնարավորին չափով սահմանափակել եկեղեցու հարկային իրավունքները: Կարգավորվեցին ամուսնական հարաբերությունները, հոգևոր րնույթի շատ խնդիրներ, որոնք ապացույց են այն բանի, որ այդ հարցերում Աղվանքում ևս արձանագրվում են նույնպիսի շեղումներ: Պատահական չէ, որ իրավանորմեր չեն ընդունվել ընդդեմ աղանդավորականների, որովհետև այդ բանի համար չկար որևէ անհրաժեշտություն:

Ուշագրավ է և այն փաստը, որ Աղվանի ժողովը հրավիրվել է թագավորի ամառանոցում: Դա եկեղեցու նվաստ կացության հետևանքն էր: Այստեղ ժողովը ընթացավ Վաչագան II-ի ղեկավարության, աշխարհականների և հոգևորականների գործնական մասնակցության պայմաններում: Հայոց պատմության մեջ նման երևույթ չի արձանագրված: Աշտիշատի, ուր հրավիրված էր ժողովը, եկեղեցական հանդեսների հավաքուտեղը էր: Ըստ Բուզանդի, Ներսեսը Աշտիշատի ժողովին մասնակից դարձրեց «Հայոց աշխարհի բոլոր եպիսկոպոսներին»³²: Արշակի և ավագանու մասնակցության մասին ոչ մի խոսք: Ամենայն հավանականությամբ նրանք ժողովին մասնակից չեն դարձվել: Աշտիշատի կանոնները չեն արտահայտում Արշակի կամքը: Եւ երևում է նրանից, որ ժողովից մի քանի տարի հետո հայոց արքան սկսեց գործով ոտնահարել Աշտիշատի որոշումները: Երկրում սրվում են ավագանու և հոգևորականների հարաբերությունները, որ ավարտվում են նրանով, որ Արշակին փոխարինած Պապը բռնի ուժով վերացնում է Աշտիշատի ժողովով սահմանված կարգերը և լուրջ կերպով սահմանափակում եկեղեցու իրավունքները՝ աշխարհիկ հարաբերությունների կարգավորման ասպարեզում: Աշխարհականների և հոգևորականների միջև հարաբերությունների սրումը հասնում է իր գագաթնակետին: Հայոց ներքին կյանքի ծանր դասը ուսանելի եղավ Վաչագան II-ի համար: Աղվանի ժողովի հրավիրման մեթոդը վկայում է այն մասին, որ նա ընտրում է հակասությունները հարթելու ուրույն ճանապարհ: Ամփոփենք.

1. Աղվանի սահմանադիր ժողովը հրավիրվել է Վաչագան II-ի թագավորության և Շուփհա-լիոյի հայրապետության օրոք, ամենայն հավանականությամբ՝ 372/387 թթ., հունիսի առաջին օրերից մեկում:

2. Աղվանի սահմանադիր ժողովի որոշումների հիմքում դրվել են Աշտիշատի ժողովի կանոնները և Ներսեսի միջոցառումները՝ հաշվի առնելով Աղվանի աշխարհիկ և հոգևոր դասերի ուժերի նոր հաւաքեւակցությունը և տեղական առանձնահատկությունները:

³² Բուզանդ, էջ 144: